


長編總檔

同治十年
七月



同治十年七月長編總檔

初一日

月摺

李鴻章奏特叅疏防城內被劫未獲之知州等

官請先行議處

硃批

項桂輪車德符先行交部議處

月摺

馮子材康國器奏撥隊出關剿賊獲勝見籌辦

理情形

軍機字寄大學士兩廣總督兼署廣東巡撫瑞

麟廣西巡撫劉長佑廣西提督馮子材貴州巡撫曾璧光傳諭貴州提督周達武護理廣西巡撫布政使康國器

勦捕

馮子材馳抵龍州聞越南匪勢披猖卽撥隊出關分道進勦擒斬逆首一律肅清疏通糧道勦辦甚為得手惟敗匪竄向太原蘇軹漢等復踞東潮縣馮子材康國器見已畱營長慶等處所籌尚是著卽知照該國嚴密堵禦馮子材尤當嚴飭出關將士

不可稍有擾累庶彼此情意相洽方易奏功東潮
近接欽州著瑞麟檄飭洋面師船及該地方文武
一體嚴防毋令蘇軫漢等潛入滋擾黔省四寨敗
竄苗匪業經粵軍會合黔軍擊退著康國器飭令
孔憲隆督軍嚴防上游軍務曾璧光周達武酌度
機宜知照馮子材撥兵助勦劉長佑抵任後與馮
子材和衷商辦勦辦苗匪出力員弁准其擇尤保
獎

杜嘎爾奏催隊進剿並偵探賊竄情形

軍機字寄察哈爾副都統杜嘎爾

前據定安奏賊匪已竄出烏拉特旗界五六百里以外此次杜嘎爾聲稱逆匪見竄烏拉特中旗交界之什巴克台地方是否偵探未確抑係賊蹤回竄著杜嘎爾迅催吉爾洪額納蘇肯等跟蹤追剿所有臺站糧路杜嘎爾務當飭令官兵妥籌保護毋

稍疏虞

初四日

上諭

瑞常授為文華殿大學士瑞麟為文淵閣大學士

月摺

杜嘎爾奏擊賊獲勝出力陣亡各員弁開單獎

卹

上諭

旨 鈔存

月摺

文煜奏請以吳大經等承襲世職

硃批

兵部議奏

月摺

恩承溫葆琛都興阿奏草倉等河水勢漫溢

軍機字寄 欽差禮部右侍郎恩承左侍郎溫

葆琛 盛京將軍都興阿

廷寄

河岸工程未及告竣卽值水勢盛漲致有冲刷淤墊之處恩承見飭該商人等將所淤河道趕緊賠挖卽著照所議辦理恩承等惟當督飭工役仍按前奏單開工程不得偷工減料期於一律鞏固將來復出險工定惟恩承等是問

庫克吉泰奏甘回東竄豫籌防範

杜嘎爾奏追勦逆匪大獲勝仗將在事出力陣亡各員開單懇請獎卹

軍機字寄理藩院協辦大學士直隸總督一等肅毅伯李鴻章綏遠城將軍定安熱河都統庫克吉泰署察哈爾都統慶春察哈爾副都統杜嘎爾庫倫辦事大臣張廷岳阿爾塔什達

熱河西北門戶地方富庶素為賊所垂涎庫克吉泰探聞賊匪有分犯庫倫之說卽由熱河八旗派定

勦捕

官兵千名俟有警信馳赴交界駐紮所籌尚屬周密該都統督飭員弁認真偵探至古北口練軍一千疊經諭令迅赴庫倫防勦卽著李鴻章檄飭都司賈吉齡統帶前進與察哈爾派出各隊聯絡聲威以截賊匪紛竄之路著慶春斟酌辦理上年古北口撤回防兵二千操練整齊以備協勦著理藩院轉飭昭烏達卓索圖兩盟長一體遵照豫備聽候徵調杜嘎爾奏吉爾洪額等擊賊獲勝殲斃二

百餘名已明降諭旨將出力陣亡員弁獎卹此次
吉爾洪額等奮力勦賊洵堪嘉尚餘匪見竄何處
著定安杜嘎爾確切偵探前以札齊魯克齊伯克
瓦齊爾殲斃賊目已諭令張廷岳等從優保奏此
次杜嘎爾奏稱勦賊出力之札奇魯克齊等是否
卽係其人該副都統遇便奏聞

初五日

楊昌濬奏請將已故督臣馬新貽准建專祠

上諭

兩江總督馬新貽前在浙江巡撫任內辦理善後事宜並將海塘工程督修完固民賴以安旣據紳士陸齊壽等請建立專祠自應俯如所請准其於浙江沿塘處所建立專祠列入祀典以順輿情

夏獻馨奏敬陳辦賑事宜

著李鴻章按照所陳各節飭令辦賑各州縣體察情形實心經理務期實惠均霑不得有名無實

曾國藩奏張亮基在籍病故

月摺

硃批

知道了

又奏遊擊成德懇請回旗當差

照所請

李瀚章奏請將劉超勝補授寶慶協副將

准其補授

初六日

上諭

英元喬松年奏驗收江北河運漕糧完竣辦理尚為

妥速江南糧道王大經交部從優議敘

長
李鴻章奏永定河南岸石隄五號尾續漫成口該廳
汛各員未能先事搶護實屬咎無可辭永定河道
李朝儀南岸同知朱津前已革職畱任再行交部
議處盧溝橋巡檢鄭官賢革職畱任李鴻章再行
交部議處

補用道福州府知府丁嘉瑋發往福建仍以知府補
用

遊擊色普徵額以本旗副參領用

何璟奏分別查明籌議章程

知道了

左宗棠穆圖善奏甘涼肅州等處情形見在會
籌布置

軍機字寄 欽差大臣陝甘總督一等恪靖伯
左宗棠甯夏將軍穆圖善西甯辦事大臣豫師
涼州副都統瑞雲

甘肅一帶兵力單薄諭令左宗棠穆圖善派兵截剿

左宗棠見駐靜甯穆圖善駐守省垣均難抽撥請
俟河西肅清撥兵前赴西路卽著豫師瑞雲就見
有兵力於各該處緊要隘口嚴密防堵毋任該匪
蔓延惟豫師瑞雲兵力無多如有大股竄入殊難
堵禦仍著左宗棠穆圖善妥籌兼顧

初七日

蔣志章奏特叅疏防不力之總兵

黃超羣摘去頂帶限一箇月緝拏要犯務獲懲辦

硃批

月摺

月摺

初八日

李鶴年奏特參不能勝任之信陽協副將尹嘉賓等請分別降補

硃批

照所請

又奏請以曹國安署理河北鎮總兵

知道了

定安奏請將緝捕馬賊員弁仍照原保獎勵

冉鳳文等均照原請獎敘

左宗棠穆圖善奏回匪竄擾北山官兵截勦獲
勝

軍機字寄 欽差大臣陝甘總督一等恪靖伯

左宗棠甯夏將軍穆圖善

勦
北山秦旺川一帶該匪時出竄擾雖經各路官軍截
勦獲勝惟賊供有米拉溝回匪勾結陝回意圖搶
糧著左宗棠穆圖善督飭各軍分路確探務期護
民收穫穆圖善見已馳往北山著卽相機調度將

該處駐紮馬隊重加整頓以期得力

定安奏追勦烏拉特旗竄匪獲勝

軍機字寄綏遠城將軍定安察哈爾副都統杜

嘎爾

賊匪竄擾烏拉特旗界內避兵而行提督金運昌探
悉賊蹤派隊追勦擊賊於奔巴廟斬殺殆盡卓勝
營勦賊奮勇甚為得力著定安擇尤保奏陣亡之
副將銜遊擊戴占元等均交部從優議卹零匪見

逃何處仍當確切查明認真搜捕杜嘎爾奏吉爾
洪額等在烏拉特旗所屬之布拉特地方擊賊獲
勝是烏拉特旗界內賊股不一此外究有幾股見
在何處竄擾仍著定安杜嘎爾確切具奏

初九日

左宗棠奏清水縣知縣翟廷俊因公遇害懇請

議卹

交部照例議卹

趙鴻舉奏懇請陞見

著來見

軍機字寄協辦大學士直隸總督一等肅毅伯

李鴻章

李鴻章奏日本議約漸有端倪卽著飭令應寶時等
力持定見悉心開導總期妥為酌定以示區別而

杜弊端

初十日

廷寄

月摺

勦捕

杜嘎爾奏追勦另股賊匪獲勝情形

軍機字寄綏遠城將軍定安署察哈爾都統慶春察哈爾副都統杜嘎爾

吉爾洪額等前在布拉特地方勦敗賊匪後復探得正南百餘里山谷中另有賊股當經追至阿巴爾干河擊斃賊匪一百餘名所有出力人員准其擇尤保奏吉爾洪額等兩次所勦賊股均不過二三百人昨據定安奏卓勝營追勦奔巴廟等處之賊

亦祇三百餘人是賊並不甚多疊經官軍擒斬漏網無幾此外賊匪究竟尚有幾股仍著定安杜嘎爾確切偵探賊蹤務將各股竄匪悉數撲滅剋期歲事

十一日

劉崑奏臬司病難速痊請開缺調理

湖南按察使李廷樟准其開缺調理

張廷岳阿爾塔什達奏蒙兵追勦賊匪獲勝

月摺

上諭

月摺

勦捕

長編紀事
軍機字寄庫倫辦事大臣張廷岳阿爾塔什達
察哈爾副都統杜嘎爾

伯克瓦齊爾會同吉爾洪額等勦賊獲勝與杜嘎爾
奏報情形大略相同惟餘匪尚有百餘名著張廷
岳阿爾塔什達會合伯克瓦齊爾等將此股敗匪
悉數殲除杜嘎爾亦當督飭吉爾洪額等與庫倫
派出官兵聯絡聲勢會合擊勦務絕根株

十二日

月摺

丁寶楨奏知縣交兌兵米遲延請先行革職

硃批

賀璠先行革職勒限一月完繳

十四日

上諭

湖南按察使涂宗瀛補授

江蘇蘇松太道沈秉成調補

月摺

李鴻章奏提督曹克忠服闋請暫畱天津差委

硃批

飭令來京陛見

十六日

長編綱目

上諭

月摺

硃批

江蘇常鎮通海道李常華補授

文煜王凱泰奏請將閩省辦理票運出力之委員等開單獎敘

吏部議奏

又奏請以黃聯開等署理福建水師提督各缺知道了

又奏總兵朱德明丁憂回籍守制

知道了

文煜奏請以陳從龍等承襲世職

兵部議奏

成祿奏撤回潛結西河回匪肅州防勦緊要請
飭督臣撥兵會勦

又奏署甘肅提督楊占鼇辦事因循請催馬德
昭迅速赴任

軍機字寄 欽差大臣陝甘總督一等恪靖伯
左宗棠河南巡撫李鶴年烏魯木齊提督成祿

西河回匪零星入城若不認真防勦不足以遏亂萌
著該提督就見有兵力防勦兼施毋令肅城稍有
疏失前經疊諭左宗棠派撥勁旅馳往甘涼肅一
帶截勦竄匪覆奏西路遙遠目前無兵可撥俟進
規河州卽派兵赴西路勦賊此時肅州情形危急
著卽酌派勁兵得力將領統帶鼓行而西相機進
勦以保關內要地不得稍涉遲悞成祿後路糧臺
著左宗棠飭令署甘涼道蕭宗幹總司其事又片

奏署甘肅提督楊占鰲輿情不洽請催馬德昭赴
任楊占鰲既不得力著左宗棠據實叅奏前據李
鶴年奏潼關防務緊要請畱馬德昭駐紮兼顧見
在陝省安謐卽飭該提督迅赴本任著李鶴年傳
知馬德昭遵行又片稱投誠陝回賽玉成等由南
山一帶遁回河州等語著左宗棠飭令甘涼所屬
地方員弁嚴防截勦著成祿督飭明春胡可均等
於臨水及附近南山一帶加意防堵毋稍疏懈

十七日

月摺

奎昌多布沁札木楚榮全奏查明捐輸蒙員覆

請獎敘

硃批

照所請

軍機字寄督辦陝西軍務前直隸提督劉銘傳

勅捕

劉銘傳因病請假譚仁芳一軍即著畱紮該省以資

彈壓該提督所部各軍著毋庸遣撤本日各國事

務衙門奏俄國派兵代為克復伊犁城池已諭令

榮全馳往籌辦惟聞該國尚有規取烏魯木齊之
信已諭景廉成祿先後帶兵前進該提督忠勇性
成情殷報效著卽督率所部由乾州鼓行而西節
節前進為收復新疆各城之計刻下河州西甯逆
氛未淨該提督惟有力疾從公以副朝廷厚望後
路餉需已諭令曾國藩李鴻章寬為籌備源源接
濟矣

十八日

月摺

上諭

英翰奏特叅庸劣不職各員

旨

鈔存

文煜王凱奏請將廣東降補同知羅上楨革

職審訊

旨

鈔存

又奏請將膽大妄為之參將李恩元革職審訊

李恩元著卽革職審訊確情從嚴懲辦

十九日

月摺

楊昌濬奏臬司病難速痊請開缺調理

上諭

浙江按察使興奎准其開缺調理

月摺

曾國藩奏甄別道員知府等官

硃批

吏部知道

李鶴年奏沁河漫口及漫水趨近黃埝

軍機字寄河南巡撫李鶴年

廷寄

沁水盛漲漫溢過隄情形甚為喫緊著李鶴年飭令
河北道督率廳汛趕緊分別疏消保護黃河隄岸

並沁河漫口堵築毋稍遲緩一面將賑撫事宜迅速籌辦其武陟縣之原村等處埽段據稱情形亦甚喫緊該撫務當豫籌防範以保無虞

二十日

浙江按察使蒯賀蓀補授

岑毓英奏知府延不到任請開缺另簡

雲南臨安府知府李宗賓經穆圖善金順先後奏准畱於甘肅辦理糧臺事務一時遽難赴任員缺未

上諭

月摺

上諭

便久懸李宗賓著卽開缺雲南臨安府知府熊昭

鏡補授

李鶴年奏請以孫光祖等承襲世職

兵部議奏

劉嶽昭奏請將同知王述先直隸州知州李維

翰畱於雲南補用

照所請

又奏請將已革知州李湘夢畱雲南軍營差委

月摺

硃批

吏部議奏

左宗棠奏中南兩路官軍搜捕餘匪疊獲勝仗
並率軍進駐靜甯

軍機字寄 欽差大臣陝甘總督一等恪靖伯
左宗棠

勅捕

雷正綰等軍追捕西北逸賊擒斬賊目多名楊世俊
所部截勦秦州竄回獲勝其紛竄岷州之賊亦經
張仲春等督兵截擊至階州縋匪亦經該處員弁

率隊進攻卽著左宗棠嚴飭在事各軍認真撥剿
並將在逃首逆悉數擒獲淨絕根株左宗棠進規
河州見令雷正綰撥馬步九營魏光燾撥馬步隊
五營分紮固原南北以資進剿而護餉道令徐文
秀駐會甯劉明燈駐安定該督自率親兵進駐靜
甯所籌均尚周妥迅奏膚公以慰廑系

二十一日

江蘇常州府知府吳鼎元補授

上諭

月摺

硃批

曾璧光奏記名道沈西序勦辦苗匪因傷身故
准其開復原官交部照軍營立功後積勞病故例從
優議卹

又奏請將葉正固署興義府知府吳錫琛署都
勻府知府

知道了

克蒙額圖明額明春奏揀選防禦員缺開單擬
定正陪

王福准其升補吉陞照例記名

二十二日

定安奏遵保克復洪崗等處賊寨出力員弁

月摺

上諭

旨
鈔存

月摺

又奏吉林黑龍江馬隊赴臺駐紮以資防剿而

護糧運

軍機字寄綏遠城將軍定安

薩薩布到綏患病尚未起程其吉林黑龍江馬隊已

勦捕

長
派員統帶分往濟斯洪果爾茂明安旗駐紮見阿
爾泰已撤各臺早經設復糧餉暢行無阻卽著定
安檄飭該副都統迅速起程仍帶馬隊西行會同
杜嘎爾探有賊蹤處所竭力截剿其茂明安旗仍
著直字營馬隊折回駐紮相機防剿毋稍疏虞

二十三日

上諭
江西吉安府知府特克紳補授

張廷岳奏統帶祥字營記名提督劉勝祥病故

遺營請以道員王承澤統領

朱批

知道了

二十五日

上諭

崇文門正監督寶鋆去副監督符珍去

月摺

劉坤一奏拏獲首要匪犯請將出力人員獎敘

上諭

旨鈔存

又奏請將陣亡道員予諡建祠

上諭

江西道員帥遠燁前在江西東鄉地方勦賊陣亡其

胞姪候選布政使司理問帥疇及廩生萬泰同時
殉難業經交部優卹茲據奏稱故員死事甚烈帥
遠燁著加恩予諡並准於東鄉縣及原籍黃梅縣
建立專祠同時殉難之帥疇萬泰准其一併附祀
又奏請將拏獲首犯之施煦等給還知府原銜
該部議奏

又奏記名提督劉勝祥等在營病故

劉勝祥交部照立功後軍營病故例從優議卹高銜

硃批

日摺

柏正貴均交部照例議卹

又奏請將巡緝湖面落水淹斃之參將從優議

卹

孫連勝交部從優議卹

二十六日

都察院左都御史李鴻藻補授

鄭敦謹奏病難速痊懇請開缺

刑部尚書鄭敦謹准其開缺回籍調理

上諭

月摺

上諭

李瀚章郭柏蔭奏前任督臣官文勲績最著懇
請建祠

著照所請卽將湖北前建胡林翼專祠改為官文胡
林翼合祠列入祀典地方官春秋致祭

又奏請以朱鬯侯等署理岳常澧道各缺
知道了

康國器奏請以沈康保署理南甯府知府

知道了

硃批

月摺

二十七日

上諭

刑部尚書龐鍾璐補授

戶部右侍郎兼管錢法堂事務鮑源深調補鮑源深
見出學差著賀壽慈兼署夏同善補授兵部右侍
郎

月摺

都興阿奏陸續拏獲盜匪並派隊馳往邊外勦
捕

軍機字寄 盛京將軍都興阿吉林將軍奕榕

廷寄

奉天昌圖地方為宵小出沒之區著飭嚴行訊辦盡
法懲治榆樹台孤家子四平衛等處均有賊股擾
掠都興阿見派索布多爾扎布帶隊馳赴昌圖調
沙克都林扎布等馬隊出邊會勦並飭譜林丕勒
及同知張鼎鏞等併力勦辦昌圖界連吉林著奕
榕派隊馳赴該處會合兇拏該將軍務當嚴飭各
員認真巡緝勿稍疏懈

二十九日

上諭

月摺

奉天府府尹恭鏜補授

吳棠奏川省邊隅腹地時勢多艱請暫畱帶隊
得力總兵

軍機字寄四川總督兼署成都將軍吳棠雲貴
總督劉嶽昭雲南巡撫岑毓英貴州巡撫曾璧
光傳諭貴州提督周達武

川省邊隅腹地既須增兵著照吳棠所請將李輝武
畱川省以資防勦該總兵見已拔隊赴黔著吳棠

勦捕

飛檄截畱妥為布置黔省勦辦上下游股匪亦須
兵力吳棠已於武字右軍酌撥兩營入黔協助卽
著曾璧光周達武於該營到黔後酌量調遣觀音
碇豬拱箐係滇黔交界處所既有匪徒竊發亟宜
及早撲滅免致蔓延著劉嶽昭岑毓英曾璧光酌
量派兵前往搜捕毋任伏莽潛匿以靖地方

三十日

湖北荆宜施道孫家穀補授

上諭

月摺

曾壁光周達武奏官軍擒斬首逆疊克堅巢都

勻漸次廓清

軍機字寄貴州巡撫曾壁光傳諭貴州提督周

達武

勦捕

貴州官軍自勦敗竄匪李高腳後總兵何世華等復

將都勻積年巨匪殲斃乘勝掃蕩都勻郡西北賊

壘立解城圍見在都勻四面漸次廓清卽著曾壁

光周達武辦理善後楚軍見由螃嶺等處進勦

長
與黔軍相距不遠該撫等卽飭將士會合楚軍節
節兜擊以靖苗疆

